

## SANT'AMBROEUS

O Sant'Ambroeus con la frusta in man  
Per dag 'na calmada a la furia di arian,  
Che vanzaven fin la pretesa  
De portat via la tua bela gesa.  
Anca l'Imperador t'e tegnu a la porta  
Reo me l'era, lu e la sua scorta  
De quela strage de tanta pora gent  
Che coi ribej gh'entraven propi nient.

Adess, con la frusta, te vegnesset giò,  
Con num cristian te la dopresset ammò !  
Gh'emm ona fed inscì moresina  
Ch'el noster Credo l'emm scondù in cantina  
Per la smania de corig 'drée ai caprizi  
De 'sto pover mond e a tut' i so vizi.

Prega per num el nost car Gesù  
Che de 'sta babilonia ne podum pu !  
Che se dessedom, adess, finalment  
Che a metig la faccia davanti a la gent  
S'ha de veg paura propi de nient !

*Don Arnaldo*